

INUIT ATAQATIGIIT INATSIARTUNI



UKA2021/157

Ulloq 12-10-21

Knud Mathiassen

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allangortinneqarnissaat pillugit inatsisissatut siunnersuummut missingiutip (Nuummi inissiisarfimmi kinguaassiuutitigut pinerluuteqarsimasut katsorsarneqarnissaannut inissanik pilersitsineq, ukiukitsunik pinngitsaaliilluni atoqateqarsimasoqartillugu pineqaatissiisutit sakkortusineqarnerat, inissiisarfimmi imigassamik aangajaarniutinillu atuinnginnissamut suliniutit, nikanarsaataasumik ajuallatsitaarujussuarnermi eqqunngitsuliorfigineqartoq suliassangortitsinngikkaluartoq unnerluussisussaataasut pineqaatissiinertaqanngikkallartumik unnerluussisussaataanerat, inatsisit unioqqutillugit aningaasatigut iluanaaruteqartarnerup pinerluutinngortinnera, iluanaarutininik arsaarinnissinnaanerup annertusinera, aamma nakkutigineqartussanngorluni eqqartuunneqarnermut atatillugu tarnip pissusiinik ilisimasalimmit katsorsarneqarnissamut peqquneqarneq) Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Ineqarnermut, Attaveqarnermut, Aatsitassanut, Inatsisit Atuutsinneqarneranut Naligiissitaanermullu Naalakkersuisoq)

Kalaallit Nunaanni pinerluttulerinermi inatsisip aamma Kalaallit Nunaanni eqqartuussisarnermik inatsisip allangortinneqarnissaat pillugit inatsisissatut siunnersuummut missingiummut Inuit Ataqatigiinniit imatut oqaaseqarfigissavarput.

INUIT ATAQATIGIIT INATSIARTUNI



Nikanarsaasarneq

Inuiaqatigiit ilutsinni nikanarsaasarneq akiorniarlugu suliniutit Inuit Ataqatigiinniit tigulluarparput, suulluunniit aqqutigalugit nikanarsaasarneq tamatta inuiaqatigiit ataatsimoorluta akiortariaqarparput.

Ilaqutariit iluanni, ikinngutigiiit akornanni, suliffeqarfinni, inuusuttut akornanni allatigulluunniit attaveqatigiittarfinni timikkut tarnikkullu nikanarsaataasunik ajuallatsitsiniarnerit akuersaarneqarsinnaanngillat.

Iluanaarniapilunneq

Inatsisinik unioqqutitilluni iluanaarniapiluttarneq inerteqqutinngortinneqarnissaanik naalaagaaffit akornitsinni suliniuteqartoqarnera Inuit Ataqatigiinniit tigulluarparput suleqatigiinnikkut tamanna angussavarput.

Inissiisarfinni eqqussuineq

Nunatta inissiisarfiinik imigassanik ikiaroonartunillu eqqussuisarneq inerteqqutaasoq ilisimavarput taamaakkaluartoq tamakku eqqussorneqartarnerat pinaveersaartinneqarnissaat inatsisitigut qulaajaanissaq inissaminiittoq Inuit Ataqatigiinniit tigulluarparput suleqataaffigissallutigulu.

Nikanarsaaneq, ajuallatsitsiniaanerit allanillu eqqunngutsuliorneq, Meeqqanik atornerluineq allanillu unioqqutitsineq Inuit Ataqatigiinniit ammaarluta akuersaanngilarput.

Meeqqanik atornerluineq

Meeqqanik kinguaassiutitigut atornerlusarneq aamma pinngitsaaliilluni atoqateqartarneq Inuit Ataqatigiinniit akuersaarnagu oqaatigiuaannarparput,

INUIT ATAQATIGIIT INATSIARTUNI



tamatumalu saniatigut kinguaassiutitigut innarliisarnerit pitsaaliorniarlugit katsorsaasarnerit pinngitsoorneqarsinnaanngitsut ilisimaaraarput.

Meeqqat atugarisaat pitsaanerulersinniarlugit suliniuteqartuarpugut puigussanngilarpullu politikikkut suliniarnitsinni angajoqqaat atugarisaat aallaavigalugit sulinissarput pinngitsoorsinnaanngilluinnarparput, taamaasiornikkummi meeqqap ulluinnaa toqqissisimanarnerusoq toqqammavississagatsigu. Meeqqanut kinguaassiutitigut innarlerneqartarnerat pillugu inatsisinik sukatiterinissaq piaartumik suliarineqartoq Inuit Ataqatigiinniit tigulluarparput.

Taamatut oqaaseqareerlunga ataatsimiititaliamut susassaqartumut ingerlateqqipparput.